

في العقرب .. لا أحد ينام "شبعان"



السبت 1 أكتوبر 2016 11:10 م

في العقرب .. محدش ينام شبعان[] كلمات قالها معتقل سابق في السجن السيئ السمعة في مصر[]

يقول :

محصلش مرة ونمت شبعان من يوم ما دخلت العقرب[]

كان كل ما يمتلكه الفرد في الفترة دي عبارة عن (طقم داخلي -واحد بس- / كحول أبيض -لبس السجن الرسمي واللي متطيقش تلبسه 0 دقائق على بعض- / صابونة شمس -الصابونة دي اللي بتيجي مع التموين بتاعة غسيل المواعين اللي كان الناس بيستخدموها من ٢٠ سنة فانت، ودي كانت للزنزانة كلها) فقط لاغير!

كان الأكل اللي بيدخلنا كل يوم عبارة عن (قطعة حلوة طحينية صغيرة جدا / ٣ أرغفة عيش / معلقة جبنة / معلقين كبار فول -من غير ملح ولا زيت ولا مستوي أصلا ومسوس كمان).

كنا بنقسم قطعة الحلوة نصين، ناكل نص مع رغيف عيش في الفطار، والنص الثاني بناكله مع رغيف عيش في العشا، معلقة الجبنة نفس الحكاية برده! بناخد نص المعلقة ندهن بيها نص رغيف وناكله في الفطار، ونص المعلقة الباقية بنسيبها للعشا مع نص الرغيف الباقي، طبعا لا ذكر للفول هنا لأن كان مصيره البلاعة، دائما وأبدا!

الغداء كان (معلقين رز -حرفيا معلقين- / وسلطة -٤ طرنشات طماطم على ٣ طرنشات خيار بالعدد- / والخضار اللي كان بييجي كان بيبقى مصيره زي مصير الفول صاحبنا).

كان نصيب كل واحد في الصابونة كالأتي (تستحمي بالصابونة مرة كل ١٠ أيام / وتغسل بيها الطقم الداخلي مرة كل ١0 يوم) ولا ذكر للصابونة إلا في الموضعين دول!